

Načelnik općine Sanski Most

Visoki predstavnik Carlos Westendorp obratio se pismom Mehmedu Alagiću, načelniku općine Sanski Most, izražavajući svoje mišljenje da gosp. Alagić treba, u skladu sa pravnim normama svih evropskih zemalja, dobrovoljno dati ostavku ili suspendovati svoje dužnosti dok ne budu poznati rezultati istrage njegove navodne zloupotrebe javne funkcije.

Gosp. Alagić se pokušao pozvati na imunitet u vezi sa ovim optužbama, citirajući ustav kantona 1. No, Vrhovni sud Federacije je već u jednom drugom slučaju jasno utvrdio da je takvo pozivanje nevažeće. Visoki predstavnik očekuje da će Općinsko vijeće Sanskog Mosta, na svojoj sjednici slijedeće sedmice, osporiti imunitet gosp. Alagića u sudskom procesu koji se trenutno vodi protiv njega.

Visoki predstavnik bi sa žaljenjem propratio razvoj događaja u kojem bi međunarodna zajednica ponovo bila prisiljena da se umiješa i riješi problem koji trebaju razriješiti općinski organi u Sanskom Mostu.